

缺錢賦

古水

壬辰年六月廿五 / 2012-08-12

大鈞運斡，挹盈注虛；

人道反茲，哀烹益餘。

斂飢餒者之食，奉飽暖者之廚；

奪寒噤者之衣，加煖酥者之軀。

哀我貧者，鎔銖相譁；

彼藏豐財，用比泥沙。

生而微，不親貴介；

長而寒，難攀大家。

皮夾厚實，空空磁卡；

慳囊重垂，涇涇零花。

愁遇開銷，痛若徹骨，身感箠革交下；

苟全顏面，楚堪刳心，頰任涕泗橫斜。

靡非餐風飲露，賃作勞役；

未至幕天席地，棲隱陋室。

一月之入，尙虞衣食；

一日之出，重歸精赤。

長惡貨泉之名，東流無跡；

深銜青蚨之說，回飛欠實。

雖則如斯，受教先人，

常相回溫，弗亂吾身，

以保良善，以致慤純。

子曰：

富貴處有道，貧賤去以仁；

不義富且貴，于我如浮雲。

古水戲作